



**Broj: 03-03-04-48992/24**  
**Sarajevo, 05.11.2024. godine**

**SKUPŠTINA KANTONA SARAJEVO**  
**gosp. Elvedin Okerić, predsjedavajući Skupštine**

**Predmet:** Odgovor na zastupničku inicijativu zastupnice Sanele Klarić, dostavlja se -

**Veza:** vaš akt broj: 01-04-46892-43/23 od 16.10.2024. godine

Zastupnica Sanela Klarić, dana 17.10.2024. godine, u skladu sa članom 106. Poslovnika Skupštine Kantona Sarajevo, uputila je zastupničku inicijativu Kantonalnoj upravi za inspeksijske poslove kojom traži **da se hitno izmjeni Pravilnik o unutrašnjoj organizaciji Kantonalne uprave za inspeksijske poslove, te da se izvrši hitno upošljavanje poljoprivrednih inspektora.**

S tim u vezi, Ministarstvo pravde i uprave Kantona Sarajevo dostavlja sljedeći odgovor na zastupničku inicijativu:

U vezi zastupničke inicijative zastupnice Sanele Klarić, obavještavamo vas da je odredbama člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) propisana nadležnost Ministarstva pravde i uprave Kantona Sarajevo, kako slijedi:

Ministarstvo pravde i uprave vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti pravosuđa, pravobranilaštva, uprave i lokalne samouprave, poslove upravne inspekcije, poslove davanja mišljenja o usklađenosti zakona i drugih propisa koje donosi Skupština Kantona, Vlada Kantona i rukovodioci kantonalnih organa uprave, sa Evropskom konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava, koji imaju pravnu snagu ustavnih odredaba, kao i druge upravne poslove koji ne spadaju u djelokrug drugog organa uprave Kantona.

Shodno citiranim odredbama, očigledno je da Ministarstvo pravde i uprave nema isključivu nadležnost za poduzimanje aktivnosti povodom podnesene inicijative.

Ministarstvo pravde i uprave Kantona Sarajevo daje mišljenje na pravilnike o unutrašnjoj organizaciji kantonalnih organa uprave i upravnih organizacija i službi za upravu u pogledu njihove usaglašenosti sa zakonskim propisima i podzakonskim aktima, kao i sa stanovišta racionalne organizacije uprave. S tim u vezi Ministarstvu je dana 08.10.2024. godine dostavljen Prijedlog Pravilnika o unutrašnjoj organizaciji Kantonalne uprave za inspeksijske poslove broj: 14-01-02-04930/24, te je Ministarstvo dana 30.10.2024. godine dalo Mišljenje broj: 03-03-02-46374/24. U

predmetnom aktu sugeriše se rukovodiocu Kantonalne uprave za inspeksijske poslove da prilikom određivanja uslova za vršenje poslova radnih mjesta inspektora u obzir uzme i druge posebne propise kojima se regulišu specifične oblasti.

S poštovanjem,

Dostaviti:

1. Naslovu,
2. u predmet.

